

դարձությունների թատերաբեմ¹⁶։ Մեկը մյուսի հետից զտ՛վեցին դեռևս 80-ական թվականներից թուրքական բռնապետության դեմ ըմբոստացած ու զինավառ պայքարի էլած բազմաթիվ հայդուկներ ու հասարարական գործիչներ, իսկ թուրքական բանտերը ծայրեծայր լցվեցին հայ «կասկածելիներով» ու նրանց համախոհներով։ Զերբակվեցին այնքան անմեղ մարդիկ, որ թուրքական բանտերն այլևս հնարավորություն չունեին բոլորին պարփակելու իրենց մեջ և հաճախ իշխանությունները ստիպված էին լինում զորանոցներ տրամադրել այդ նպատակին։

Կովկասից «երկիր» վերադարձի ճանապարհին, իր հայրենի լեռներին դեռ չհասած, Խնուսի ու Մուշի միջև ընկած քրդական մի գյուղի մոտակայքում հերոսաբար կռվեց ու յուրայինների հետ նահատակվեց Արարուն 1894 թ. զարնանը Յողզաղում կախաղան հանվեց Ժիրալը։ Օսմանյան զորքերի դեմ Մարզվանում տված անհավասար մարտում նահատակվեցին Բարսեղ Զաքարյանն (Լեոն) ու նրա ընկերները, կախաղան բարձրացվեց Տարոնի երիտասարդության դեկավար, վարդենիացի Մարգար վարժապետը։ Սակայն այդ դաժանությունները ոչ թե վճատեցրին, այլ պայքարի նոր ճանապարհ՝ դուրս բերեցին հայ ազատամարտի աննկուն զինվորներին։

2. ՍԱՍՈՒՆԻ 1894 Ք. ՀԵՐՈՍԱՄԱՐՏԸ

Թուրքական կառավարության հայաճալած քաղաքականության դեմ ուղղված ժողովրդական հուլումները լայն թափ ստացան հատկապես Սասունում։

Օսմանյան կայսրության Բիթլիսի կուսակալության Մուշի գավառի, մասամբ նաև Բիթլիսի, Գենջի ու Սղերդի գավառների մեջ մտնող պատմական Սասունը XIX դարի վերջերին ընդգրկում էր շուրջ մեկ տասնյակի հասնող գյուղախմբեր (նահիե)՝ մոտ 35 հազար հայ ազգաբնակչությամբ։ Սասնո ամբողջի միջնադարյան լքված ավերակները հայտնի էին Գավթի քերդ անունով¹⁷։

XIX դարի 80-ական թվականներից սկսած քրդական հրոսակների և կառավարական զորքերի ու ոստիկանության կամայականությունների դեմ ինքնապաշտպանական մարտերով աչքի ընկան Շատախի, Սովասարի գյուղախմբերի¹⁸, Շենիկի, Սեմալի, Ալիանքի, Տավրիկի, լեռնաշխարհի կենտրոն համարվող Գելիեզուզանի¹⁹ և Սասունի մյուս շրջանների ու գյուղերի հայ աշխատավոր բնակիչները։ Ըմբոստ լեռնականների ղեկավարությունը ծայրաստիճան սրվեց 90-ական թվականների սկզբներին, երբ կառավարությունը փորձեց կրկնակի զանձել պետական հարկերը, ապա և հաշվհարգար տեսնել իրավացի բողոքող աշխատավոր գյուղացիներին հետ։

16. S. «Братская помощь пострадавшим в Турнии армянам», М., 1897, ч. II, стр. 91—92.

17. Քերդից քիչ հարավ պահպանվել էր հին Սասուն բնակավայրի փորրիկ մի մասը՝ Քաղ-իկը։

18. Սասունի գավառակի Շատախի շրջանը չպետք է շփոթել վանի Շատախ գավառի հետ։

19. Տավրիկի ու Գելիեզուզանը ոչ թե գավառակներ կամ գյուղախմբեր էին, ինչպես հաճախ շփոթում և դրում են ուսումնասիրողները, այլ գյուղեր՝ յուրաքանչյուրն իր շուրջ մեկուկես տասնյակի հասնող թաղերով, որոնք նրբամեն հիշատակվում են որպես առանձին բնակավայրեր։

1891—1892 թթ. ընթացքում քրդական վերնախավները, իշխանությունների թելադրանքով²⁰, կանոնավոր դորամասերի և հատկապես «համիդիև» հեծելազորային ջոկատների հետ արշավանքներ ձեռնարկեցին հայկական բնակավայրերի վրա։ Սակայն սասունցիներն այս անգամ արդեն համախմբված էին և ասպատակողները հանդիպեցին զինված ու համառ դիմադրության։

Մուշի և Սասունի միջև ընկած Տատրագոմ գյուղի գյուղացիները, հայդուկ Հովանի ու նրա ընկերների ղեկավարությամբ, ինքնապաշտպանական առաջին մարտերը մղեցին գյուղներխուժած ավազակախմբերի ու խուրքական ոստիկանների դեմ։ Ոստիկանական ջոկատներն ու համիդիեական զորախմբերն ուժեղ հակահարված ըստացան հատկապես Սասունի «առաջապահ» գյուղերի՝ Շենիկի, Սեմալի, ինչպես նաև Տալվորիկ, Գելիեղուզան, Խոժոժվանք, Շուշնամերկ և մի շարք այլ գյուղերի բնակիչների կողմից։ Տալվորիկի Սպաղանրի թաղապետի հետադաշում ձանաչված հայդուկ Մակարի գլխավորությամբ զինված գյուղացիները հտ շարտեցին ոստիկանական ջոկատները և նրանց նահանջը կանխելու նպատակով քանդեցին հինավուրց ու նշանավոր «Սատանի կամուրջը»²¹։

Միշու չէր, որ թուրքական իշխանություններին ու քրդական ռազմատենչ ավազանուն հաջողվում էր հայ ազգաբնակչության դեմ հանել բուրգ աշխատավոր գյուղացիներին։ Երբեմն բուրգ ռամիկ ժողովուրդը միանում էր դրացի հայերին և կուլու՞ր գյուղ մտած հարստահարիչների դեմ։

1893 թ. վերջերից սկսած աշխատավոր այդ քրդերից շատերը հայերին գաղտնի հայտնում էին իշխանությունների ու բուրգ ցեղապետերի կողմից նրանց դեմ նախապատրաստվող դավերի մասին²²։

90-ական թվականների սկզբներին սասունցիների մղած ինքնապաշտպանական կռիվներում աչքի ընկան մի շարք գործիչներ, որոնք փաստորեն ստանձնել էին Սասունի դիմադրական շարժումների ինչպես գաղափարական, այնպես էլ գործնական առաջնորդների դերը։ Դրանցից էին Միաքյալ ընկե-



Զինված հայուհին իր զավակի հետ

²⁰ Տե՛ս «Թուրքական աղբյուրներ», Գ, Երևան, 1972, էջ 174—175։

²¹ Տե՛ս Կ. Թոռոյան, Փողովորդական շարժումները Սասունում, Երևան, 1966, էջ 60—66։

²² Տե՛ս «Геоунд армян...», стр. 38.

րության Մուշի կենտրոնական վարժարանի պաշտոնական տեսուչ Միհրան Տամատյանը, Մուրադը (Համբարձում Պոյաճյան), Հրայրը (Արմենակ Ղազարյան), Շենիկի տանուտեր Գրգոն (Գրիգոր Մոսեյան), Քաղզը (Հովհաննես Կիբակոսյան), Գևորգ Զաուշը (Գևորգ Աղամյան) և շատ ուրիշներ:

1893 թ. սեպտեմբերին Հ. Պոյաճյանը մի փոքրիկ խմբով մեկնում է Թիֆլիս, սասունցիներին զենքով օգնելու խնդրանքով դիմում մի շարք ճանաչված մտավորականների, այդ թվում Ղ. Աղայանին, Ս. Զավարյանին և այլոց: 1894 թ. սկզբներին Մուրադը վերադառնում է Սասուն: Նույն օրերին արևելահայերից օգնություն ստանալու հույսով խնուսի վրայով Կարս է անցնում Ա. Ղազարյանը:

1893 թ. մայիսին թուրքական իշխանություններին հաջողվել էր ձերբակալել Մ. Տամատյանին և նետել Մուշի բանտը: Նույն բախտին էին արժանացել նաև Տարոնի հոգևոր առաջնորդ Ն. Խարախանյանը, Սեմայի տանուտեր Գուրգենը և ուրիշներ, ինչպես նաև նշանավոր գերդաստանների մի քանի ներկայացուցիչներ, գյուղացիներ, հալոուկ-ֆեղալիներ: Սակայն նրանք մի շարք վայրերում ուժեղ դիմադրության հանդիպեցին: Մուշի ոստիկանապետի առաջին խել փորձը հանդիպեց շենիկցիների զինված դիմադրությանը և թուրք ոստիկանները շկարդացան մտնել գյուղ: Նման դեպքեր տեղի ունեցան մի շարք այլ գյուղերում: Ուժեղ դիմադրության հանդիպեցին նաև Գենջի ու Հազդի կայմականների զլխավորությամբ գյուղացիների զեմ գուրս բերված պատժիչ արշավախմբերը:

Տեսնելով, որ ոստիկանության ուժերով հնարավոր չէ ծնկի բերել սասունցիներին, Բիթլիսի կուսակալ Թահսին փաշան որոշեց Սասուն ուղարկել կառավարական կանոնավոր զորամասեր: Մերժելով կուսակալին հնազանդվելու առաջարկությունը, գյուղացիներն ամենուր անցան ինքնապաշտպանության: Առաջին հարվածն իրենց վրա ընդունեցին Գրիգոր Մոսեյանի ղեկավարությամբ բաջբար մարտնչող շենիկցիներին օգնության հասած հարևան ալիսթբի գյուղացիները՝ Մասն Պողոսի առաջնորդությամբ:

Մանր էր հաակապես տեղական հումքով ու տնայնագործական եղանակով զենք արտադրող Սասունի ազատագրական շարժման կենտրոն Տավորիկի վիճակը, որի շուրջն էր կենտրոնացվել կառավարական կանոնավոր զորամասերից, համիդիականներից ու ոստիկանական ջոկատներից կազմված մոտ հինգ հազարանոց մի բանակ: Սակայն հարևան գյուղերի, հատկապես Շենիկի ու Գելիեզուզանի օգնական ուժերի հետ մեկտեղ, հումիսի կեսերին, տալվորիկցիներին հաջողվեց մի քանի համարձակ ու հաղթական մարտեր տալ հայկական գյուղերի վրա խուժած թուրքական զորքերին:

Ամռան վերջում թուրքական զորախմբերը ետ քաշվեցին Մուշ՝ նախապատրաստվելու հաջորդ տարվա արշավանքին: Անտոքի, Քեփի ու Մովասարի բարձունքներում ապավինած հայերը առժամանակ վերադարձան հայրենի գյուղերը: Ինքնապաշտպանության ղեկավարները որոշեցին նախապատրաստվել և ընդունել թշնամու մարտահրավերը: Ուստի ինչպես զենք-զինամթերքի համարման, այնպես էլ որոշ գյուղերի միջև եղած տարածայնությունները հարթելու և թշնամու զեմ միասնական ճակատ ստեղծելու նպատակով, 1893—1894 թթ. ձմռանը նախապատրաստական որոշ աշխատանքներ կատարվեցին:

1894 թ. գարնանը փոքրաթիվ իր խմբով Տավորիկ ժամանած Հ. Պոյաճյանը ստանձնեց Սասունի ինքնապաշտպանության կազմակերպման ընդհա-

ներ ղեկավարությունը։ Նրա նախագահությանը Տալվորիկի ավագներից մեկի՝ Հարթթի թաղապետ Գասպար Խեչոյանի տանը գումարված արտակարգ նիստում, ուր հավաքվել էին կիրճերում ցրված այդ գյուղի ինը թաղերի ներկայացուցիչները, և Սասունի ինքնապաշտպանության մի քանի փորձառու զործիշներ, ընդունվեց առաջին կարևոր որոշումը՝ արգելել Տալվորիկի բանալի «Սասունի կամուրջի» նորոգումը, որի նպատակով իշխանությունների կողմից զինված պահակախումբ ու հատուկ արհեստավորներ էին ուղարկվել այնտեղ։ Սասունցիների համար ռազմական տեսակետից արտակարգ կարևորություն ունեցող այս որոշումը շուտափույթ հաղորդվեց Գեղիկգուզանի, Շենիկի ու Սեմալի ժողովրդական առաջնորդներին, որոնք իրենց ջոկատներով շարժվեցին ղեպի կամուրջը։ Այստեղ միանալով Տալվորիկից եկած խմբերին, անհապաղ հարձակվեցին կամուրջի վերականգնման աշխատանքները հսկող ոստիկանների վրա և ստիպեցին դադարեցնել շինարարությունն ու հեռանալ Սասունի սահմաններից²³։

Լեռնցիների այս հանդգնությունից զազազած Բիթլիսի կուսակալը Սասուն ուղարկեց մի քանի խոշոր հրոսակախմբեր, որոնք, սակայն, ջախջախվեցին ու ետ շարտվեցին։ Իսկ հայդուկային առանձին խմբերի հաջողվեց անակնկալ հարձակումներով որոշ վայրերում, այդ թվում Խիանքի Իշխանաձոր (Իշխնձոր) գյուղում, բանտից ազատել մի խումբ պատանդ բանտարկյալների։ Միաժամանակ Սասունի առաջնորդները օգնություն հայցող նամակներ հղեցին Մուշ և այլուր։

Շուտով Սասունի շուրջն ստեղծվեց ռազմական ուժեղ գոտի և հայտարարվեց պատերազմական վիճակ։ Սուլթանի հանձնարարությանը Սասուն արշավող զորքերի ղեկավարությունն ստանձնեց Անատոլիական 4-րդ բանակի հրամանատար, ջարդարար Զեքի փաշան։ Սասունի վրա շարժվեցին նրա տասներկուհազարանոց զորամիավորումը և լեռնային հրետանին, Դիարբեքիից՝ Օսման փաշայի երեք հազարանոց հետևակային կորպուսը, Նրզնկայից ու Մուշից՝ հեծելազորային երկու զնդեր, էրզրումի 26-րդ հետևակային գունդը, 25-րդ զնդի առաջին և երկրորդ գումարտակները, հրետանային երկու մարտկոց և այլն²⁴։ Այս զորամասերի հետ մեկտեղ ռազմական գործողություններին մասնակցում էին նաև համիդիականների երեք հազարանոց զորախումբը, Բաղդադից ու Հալեպից տեղափոխված ռազմական միավորումներ, Բիթլիսի կուսակալության ոստիկանական ուժերը, ինչպես նաև մի քանի տասնյակ հազարի հասնող անկանոն ու ավարամուլ բաշիբոզուկներ։

Այսպիսով Սասունի ղեմ ղուրս բերվեց ժամանակի ռազմական տեսիլկայով զինված հսկա մի բանակ, որի ղեմ-հանդիման կանգնած էր լուկ բարոյական իր ուժը դիտակցող և հիմնականում կայծքարե հրացաններով, դաշույններով, կացիկներով ու եղաններով զինված, բայց հաստատակամ ու անկուն սասունցի զեղուկը։

1894 թ. հուլիսին Շենիկում գյուղապետ Գ. Մոսեյանի տանը հրավիրվեց Սասունի ինքնապաշտպանության ղեկավարների խորհուրդ, որտեղ համա-

23 «Պատմություն Ս. Գ. Հնչակյան կուսակցության 1887—1962», հ. Ա, Պեյրոթ, 1962, էջ 144—145, Ս. Բյուրաթ, Ծղզղեն Սասուն. Կ. Պոլիս, 1910, էջ 1116։ Ա.-դո, Վանի, Բիթլիսի ու էրզրումի վիլայեթները, էջ 131, նաև 2002 ԿՊՊԱ, ք. 56, ց. 4, գ. 145, ք. 79։

24 Տե՛ս Է. Կ. Տարկիսյան, Политика османского правительства в Западной Армении, Ереван, 1972, стр. 110; «Геноцид армян...», стр. 20.

պատասխան հանձնարարականներ տրվեցին բոլոր մասնակիցներին և ճշտվեցին պաշտպանական գծերի հիմնական ուղղությունները: Թրկունքում ունենալով Անտոքի ու նրա հարավում գտնվող Քեփի վիթխարի լեռնալանջերն ու խորխորատները, իսկ ավելի ետ՝ Սասունի հարավ-արևելքը երիզող հուլփի ու նիսների մի քանի տասնյակի հասնող հալական գյուղեր, նրանք պաշտպանական հիմնական ուղղություն ընտրեցին Գեղիեզուզան-Տավրոսի գիծը: Խուրքական հարձակումը սպասվում էր մի քանի ուղղություններով, բայց հիմնական հարվածը նախատեսվում էր հյուսիսից՝ Շենիկ-Սեմալ հատվածում:

Մի շարք գյուղերում կանխավ կատարված ձերբակալություններից հետո սկսվեցին կառավարական զորախմբերի նախնական տեղաշարժերը: Առաջապահ ջոկատները Շենիկի մատույցներում և Անտոքի սարահարթում անցան ուժեղ հարձակման: Նրանք հանդիպեցին խաբուսիկ տեղաշարժերով աներկվույթ թաքստոցներից հանկարծ զուրս թափող սասունցիների դիմագրություն և զգալի կորուստներ կրեցին: Խուճապով նահանջող թշնամու ահաբեկված զինվորներն առասպելներ էին պատմում սասունցի ահարկու հակառիկների, նրանց օգնության եկած «մոսկովյան գլավուրների» և հայերի արտասովոր հրանոթների մասին²⁵:

Օգոստոսի սկզբներին հարձակման անցան թուրքական կանոնավոր զորամասերը: Մուշում, հանդիսավոր արարողությամբ, ընթերցվեց ապստամբ անհավատներին բնաջնջելու մասին սուլթանական ուղերձը:

Սկսվեց գոյամարտի նոր, սասունցիների համար առավել ծանր փուլը: Մոտ մեկ շաբաթ հերոսաբար մարտնչելով, նրանք աներեք մնացին իրենց դիրքերում: Սակայն պայքարը խիստ անհավասար էր և առաջին գծի վրա գտնվող Շենիկի ու Սեմալի պաշտպաններն ստիպված էին մարտերով նահանջել դեպի Ալիանք և Անտոքի փեղերը: Դատարկված Շենիկն ու Սեմալը հրի մատնեվեց: Գեղիեզուզանից շտապած աշխարհազորայիներին թեպետ հաջողվեց կասեցնել հակառակորդի անընդմեջ գրոհները, բայց ամբողջ ճակատով հարձակման անցան թուրքական զորախմբերն ու համիդեական զեդերը: Մեծ զոհերի գնով թշնամուն հաջողվեց ներխուժել Գեղիեզուզան:

Նոր համալրումներ ստացած թշնամու հարձակումը շարունակվում էր: Արիաբար պաշտպանվող և արդեն միայն մասնակի հակազորների անցնող ապստամբները, իրենց հետ առած ավելի քան քսան հազար անզեն ազգաբնակչություն (զենք ունեցող հայերի ընդհանուր թիվը երկու հազարից չէր անցնում), ռազմամթերքի սպառման վտանգի տակ, նահանջեցին դեպի սարերի բարձրաբերձ գագաթներն ու անանցանելի լեռնակածանները: Բարձունքներից քարաբեկորներ գլորելով, նրանք խառնաշփոթություն էին ստեղծում հեղեղատներով դեպի վեր սողոսկող հակառակորդի մարտաշարքերում, իսկ երբեմն շեշտակի հակազորների անցնելով, նրան ետ էին չպրտում նոր գրավված դիրքերից:

Շուրջ տասնհինգ օր ևս շարունակվեց անհավասար գոտեմարտը՝ հրանոթներով գրոհող թշնամու դեմ: Իրենց քաջությամբ արքի ընկան հատկապես Գ. Մոսեյանը, Զ. Նիկայանը, ալիանքցի Պողոսը և շատ ուրիշներ:

Սասունցիների ժողովրդական ինքնապաշտպանության այդ ռազմամարտին շինականի հետ մեկտեղ մասնակցում էին նաև բոլոր խավերը, մարտնչում

25 Տե՛ս Գլակ Տարեցի. Ապստամբ Սասունը, Ժեև, 1903, էջ 23:

էին ծերերն ու պատանիները, դեռատի աղջիկներն ու կանայք: Հայ գեղջկուհին, որը տարիներ շարունակ անցորդներից լուր էր հայցում հայդուկ դարձած իր հարազատների մասին, մանկանն օրորում և «դարձնիւր լառ» կանչելով. սիրասուն դավակին հանձնում էր լեռը բարձրացած ֆեդայիներին, «նրանց հետ միասին կռվելու», — նրանց հետ միասին ապրելու, նրանց հետ մեռնելու պատգամով, այժմ ինքն էր սուր ու հրացան առել և կանգնել հայրենի տունն ու հողը պաշտպանող յուր որդու և ամուսնու կողքին: Ռազմամթերքի ու պարենի խիստ պակաս զգացող սասունցիների ուժերը ջլատելու նպատակով թուրքական հրամանատարությունը ներման խոստումով անձնատուր լինելու առաջարկություն արեց Անտոքի դարավանդում ամրացած հայկական ջոկատների առաջնորդներին: Հավատ չընծայելով թուրքերին, նրանք հրաժարվեցին առաջարկն ընդունելուց: Սակայն ապստամբների դյուրահավատ մի մասն ընկավ թուրքերի որոշայթը: Հովհաննես Բահանյայի առաջնորդությամբ մոտ երկու հարյուրի հասնող այն խումբը, որը հավատաց թուրքերի խոստումներին և դիրքերը լքելով շարժվեց դեպի նրանց բանակատեղին, շրջապատվեց թուրքական դարանամուտ զինվորների կողմից և զազանաբար ոչնչացվեց:

Թշնամու զորամասերն անցան նոր հարձակման: Ծանր մարտերից հետո Անտոքի լեռնածերպեղին գամված ապստամբները թողնելով նախկին հենակետերը նահանջեցին դեպի Քեփի բարձունքներն ու Տավրոքիկի ոլորապատույտ կիրճերը, ուր մարտերը ղեկավարում էր Հ. Պոյաճյանը: Սակայն այստեղ նույնպես սկսվել էր մահախուճապ նահանջը: Դեպի Քեփ ու Տավրոքիկ նահանջող Գ. Մոսեյանը, իր մի խումբ զինակիցների հետ մեկտեղ, փորձեց անցնել Խուլը և Խիանք՝ ռազմամթերք ու պարեն ձեռք բերելու հույսով: Բայց նրանք շրջապատվեցին և ընկան հերոսի մահով: Քաջի մահով ընկան նաև ամբողջ մեկ ամիս տղամարդկանց հետ կողք-կողքի հերոսաբար մարտնչող, կամքի բացառիկ ուժ ու տոկոնություն դրսևորած սասունցի կանայք: Շատերը մանուկներին գրկած, իրենց անդունդն էին նետում, խուսափելով հանձնվել ռուսի անարգ քմահաճույթին: Շատերն էլ ճաշակեցին գերություն դառնությունը: Մուրադը, Գևորգ Չաուշը և Ֆոֆոքար կոչվող ժայռաբլուրի բարայրներում ապաստանած մի շարք մարտիկներ շղթայակապ տարվեցին Մուշ: Ավերվեց ու հրո ճարակ դարձավ շուրջ բառասուն գյուղ: Զոհվեցին ավելի քան տասը հազար հայեր: Սրանց մեծագույն մասը նահատակվեց դիմադրությունը ճնշելուց հետո սկսված կոտորածի ժամանակ: Օգոստոսի վերջին օրը, որը սուլթանի գահակալության օրն էր, մահմեդական մուեռանդ զինվորականությունը նշանավորեց ջարդի առավել արյունոտությամբ տեսարաններով²⁶: Թուրք զինվորները Սասունից իշան Մշո դաշտ և դաժան հաշվեհարդար տեսան անմեղ ու անզեն բնակչության հետ:

Սկսված ջարդը դադարեց միայն սեպտեմբերի սկզբներին: Ժողովրդական արդարացի ընդվզումն արյան մեջ խեղդելու համար Զեքի փաշան սուլթանական շքանշան ստացավ, իսկ քրդական շորս ցեղապետեր պարզևատրվեցին կառավարական մետաքսյա զրոշներով:

Սասունի հերոսամարտիկներն ստեղծված պայմանների հետևանքով չկարողացան ազատագրական պայքարը հասցնել հաղթական ավարտի: Զիրա-

²⁶ Տե՛ս ՌԱՔԱ, ֆ. Փաղարիկի, գ. 3335, 1894—1895 թթ., ք. 25—25, «Геноцид армян...», стр. 32—33; «Положение армян...», стр. 236—240.

կանացան նրա ղեկավարների իղձերը՝ այն դարձնել համաժողովրդական զանգրվածային պայքարի ակիզը: Սակայն ժողովրդական ինքնաբերության այդ ընդլայնմը հայ լեռնաբնակ աշխատավորության ղեկավարության արդարացի պոռթկումն էր, նրա ցասումնալի բողոքը ոչ միայն տեղական հարստահարիչների, այլև նրանց հովանավորող ու գործակից պետական իշխանությունների ազգային ու սոցիալական քաղաքականության, նրանց բռնատիրության դեմ:

3. ԲԱՐԵՆՈՐՈԳՈՒՄԵՆՐԻ ՄԱՅԻՍՅԱՆ ՄՐԱԳԻՐԸ

Սասունի հերոսական մարտերը և դրանց հաջորդած կոտորածները լայն արձագանք գտան ոչ միայն երկրի ներսում, այլև միջազգային հասարակական շրջաններում: Առաջավոր մարդկության բազմաթիվ ներկայացուցիչներ իրենց բողոքի ձայնը բարձրացրին սուլթանի բռնությունների ու ջարդարար քաղաքականության դեմ: Նրանք պահանջում էին մեծ տերություններից միջամտել և զսպել սուլթանի կամայականությունները:

Անուշահրության մատնելով ինչպես հայկական շրջաններից եկող բողոքները, այնպես էլ եվրոպական ու ռուսական առաջադեմ մամուլում թուրքական զաւանուկությունները դատաւարտող մեղադրական հոգվածները և իր ղեսպանների միջոցով փորձելով մոլորության մեջ գցել համաշխարհային հասարակական կարծիքը, սուլթանն արգելեց օտարերկրացիների մուտքը Սասուն: Բայց Արգուլ Համիդը, ստիպված, շուտով տեղի տվեց: Մեծ տերությունների 4. Պուսի ղեսպանները պահանջեցին թուրքական կառավարությունից քննել հանձնաժողով ուղարկել Սասուն: 1895 թ. հունվարին Սասուն ժամանեց հայկական ջարդերի պատճառներն ու հանգամանքները քննող կառավարական հանձնաժողով, որի կազմում որպես ղեկավարներ մասնակցում էին նաև Ռուսաստանի, Անգլիայի ու Ֆրանսիայի ներկայացուցիչները: Հանձնաժողովի գումարած հարյուրից ավելի նիստերում հարցաքննվեցին տարբեր կարգ ու աստիճան ունեցող 190 հայ, թուրք, քուրդ վեհեր, որոնց ցուցումներն ամբողջովին մերկացնում էին օսմանյան վարչակարգը, նրա կատարած բարբարոսությունները:

1895 թ. մայիսի 11-ին 4. Պուսի անգլիական, ռուսական և ֆրանսիական ղեսպանները համաշխարհային հասարակական կարծիքի ճնշման տակ հայկական նահանգներում բարենորոգումներ անցկացնելու ծրագրի ներկայացրին Բ. Դոսեր: Բարենորոգումների մայիսյան ծրագիրը բաղկացած էր 13 զլուխներից և 40 հոգվածներից: Ըստ այդ ծրագրի վեց նահանգներում (Կարին, Բիթլիս, Վան, Դիարբեքիր, Խարբերդ, Սեբաստիա) կուսակալներ (վալի) պետք է նշանակվեին սուլթանի կողմից առանց կրոնի խտրության՝ հինգ տարի ժամկետով: Նախատեսվում էր, որ նրանք ռոքոնց նշանակումը ընդհանուր ղեկավարության առիթ կտա, և կամ հասարակական ու քաղաքական պատճառներով անհամար կհամարվի, չպետք է նշանակվեն վալիի պաշտոնում²⁷: Եթե կուսակալը մահմեդական էր, տեղակալը (մուավին) պետք է քրիստոնյա նշանակվեր և ընդհակառակը:

Գավառների (սանջակների) պետերը (մուլենսարիֆները) ևս պետք է նշանակվեին սուլթանի կողմից: Այն գավառներում, որտեղ քրիստոնյաները

²⁷ «Հայաստանը միջազգային դիվանագիտության և սովետական արտաքին քաղաքականության փաստաթղթերում (1828—1923)», էջ 137: